


香艷集



中華民國二年十一月印刷

中華民國二年十二月發行



發行所

上海

漢口
廣州

長沙
開封

廣益書局

編纂者	陽湖	汪石庵
校訂者	仁和	陸樹勳
印刷者	上海	廣益書局
印刷所	上海	國民公司
發行者	上海	廣益書局
分售處	各埠	書坊

棋盤街中市
電話四一三八

香豔集洋裝一冊

定價大洋六角

集

豔

香

香豔集總目

十憶集

玉孃曲

彩雲外史

冷香集

綺語漫錄

陳雲貞寄外書

蘭閨清課

窈聞記

明懿安皇后外傳

董妃行狀

西湖竹枝詞

總目

樊增祥

前人

前人

胡懷琛

興公

葉紹袁

紀昀

清世祖

總目

柏林竹枝詞

感舊詩（集比紅兒詞）

閨房記樂

新閨中十二曲

美人六詠

采茶詞

西廂記酒令

彭嬌別傳

悼亡百韻詩

二

潘飛聲

俞樾

沈三白

老談

淡廬

陳澹然

潘飛聲

香 豔 集

陽湖汪石庵編纂

仁和陸樹勳校字

● 十 憶 集

恩施樊增祥嘉父

戲和宋人李元膺十憶詩

憶行

相攜女伴踏青回。歷亂蓮躩印綠苔。祇有檀奴渾認得。最纖纖是玉孌鞋。

憶坐

習靜耽書出戶稀。玉茵溫暖繡簾垂。除非鸚鵡呼迎客。纔肯擡身隔幔窺。

憶飲

蓮子深杯上口甜。小桃雙頰露紅酣。尋常不道相思酷。倚醉含嬌說二三。

憶歌

解唱蕭郎自作詞。教人緩按玉參差。詞中與妾相關處。減字偷聲出口遲。

憶書

十 憶 集

鸞箋小疊報平安。想見薑芽嫩玉寒。花葉往來無限事。背人書寫背人看。

憶博

南唐金葉亦何爲。入骨相思愛四緋。明賭紅羅十牀被。蘭心暗卜遠人歸。

憶顰

閒情無那上眉頭。桂葉雙描滿鏡秋。欲得郎憐嬌不語。手拈裙帶學春愁。

憶笑

驚喜芻尼報好音。春愁無復到眉心。不知閒坐思何事。忍俊低鬟自不禁。

憶睡

浥浥薰鑪搭繡裳。了無聲息但聞香。不容白日分明看。深夜移燈照海棠。

憶粧

眼重眉褪鏡菱前。雪白花紅洗面天。臥看梳頭誰解得。未施脂粉最天然。

再和十憶詩

憶行

貼地宮蓮步步金。一鈎羅襪在花陰。何須更寫凌波照。響屐聲來已不禁。

憶坐

檀椅文茵見大家。裙襴端正髻釵斜。天然妙麗知何似。一朵雕文座上花。

憶飲

泥人軟語殢人嬌。梨頰輕紅上酒潮。花未全開飲微醉。一生此景最魂銷。

憶歌

頓挫瀏漓字字清。間關花底嘯流鶯。自從一折河橋柳。廢盡陽關第四聲。

憶書

錦箋六六肖鴛鴦。小字簪花獨擅場。誰識謝家團扇上。偷臨玉版十三行。

憶博

泥郎清夜賭枰棋。金餅錢銖匪我思。妾負乞君雙繡履。郎輸貽我十香詞。

憶顰

自掃雙蛾對鏡臺。離愁多上遠山來。妾爲金鎖郎銀鑰。得見郎時鎖即開。

憶笑

拈花無語恰含情。楊柳微風百媚生。多分嫣然因宋玉。錯令傾倒徧陽城。

憶睡

情態無如午睡佳。任他落扇與橫釵。萱松此際俱迴避。布指偷量小鳳鞋。

憶妝

晚妝初了袖羅單。鬢髮油雲照眼寒。反戴髻心珠鈿子。側身斜背鏡菱看。

三和十憶詩

憶行

夢覺每爲鶯喚起。香多常有蝶隨身。閒臨池水風吹汝。緩步花階月媚人。

憶坐

愛書貪繡掩重門。腰褥紅綾盡日溫。幸是玉人輕似燕。不然膝踝印牀痕。

憶飲

四肢紅玉軟生香。髻亂釵橫壓象牀。恃賴檀奴與勾當。一甌春雪葛花湯。

憶歌

學得新聲絳樹雙。曼音遙在竹西窗。梨園弟子無人會。別有花間自度腔。

憶書

粉箋珠字總停勻。小玉旁窺笑復嚬。鄣扇不羞王大令。學書真似衛夫人。

憶博

莫是清朝鬥草贏。笑從雙頰小桃生。手談冷笑梅花堦。一世圍棋著不成。

憶顰

水樣柔腸日九回。真愁強笑耐人猜。同心結子從卿結。結到眉心那得開。

憶笑

有誰能解翠眉顰。一笑相逢鏡裏春。未必千金真買得。拈花須付有心人。

憶睡

翠地流蘇玉簾光。暑中偎傍亦清涼。冰肌玉骨原無汗。比似青奴較有香。

憶妝

二七韶年始上頭。團圓寶髻學蘇州。鏡中瞥見蕭郎覩。手攏鬟雲笑不休。

四和十憶詩

憶行

洛花一朵玉能行。每見驚鴻覺眼明。攜手青山紅葉路。比儂婉弱比儂輕。

憶坐

玉鑪終日炷檀沈。雅得芳梅澹靜心。雙結蓮趺誰得似。中庭新塑雪觀音。

憶飲

小鑿緋紅薦玉卮。自知沈醉更矜持。誰能奪我臙脂色。常有流霞起卯時。

憶歌

東溪樂府舊知名。調得珠喉井水清。宜稱女郎十八九。曉風殘月唱耆卿。

憶書

熟絹生縑積漸多。閒拈花管作嬌波。爲郎寫徧心經字。祇換鴛鴦不換鵝。

憶博

墳輕暈溼寫宜春。從此紅閨百戲陳。打馬彈碁正月事。年頭酥蜜祭錢神。
憶顰

苧蘿美曠解亡吳。粉本流傳在五湖。打點屏風圖列女。勸卿刪卻捧心圖。
憶笑

鵲喜蛛靈強自持。情深情淺定誰知。潑茶終少幽閒意。爭似梨渦淺暈時。

憶睡

小眠齋裏伴蕭寒。坐我書牀夢亦安。儂自閒吟卿自睡。睡時贈句醒時看。

憶妝

鏡奩秋水照紅芙。早起蕭郎解辮初。熟透茜牙梳一柄。待儂梳了爲郎梳。

再和李元膺十憶詩

余學詩自香奩入。染香一集流播人間。什九寓言。比於漆吏良以僻耽佳句。動觸閒情。不希廡下之豚。自吐懷中之鳳。少工側豔。老尙童心。往往譔敘麗情。微之義山。勉焉可至。若疑雨集香草箋。則自謂過之矣。昨和宋人十憶詩。以原作思窘而語平意。

單而詞複展爲四十首以存宮閨眞面而靈犀觸發綺語蟬嬌更取十題各爲六解
併前所作恰得百篇曹唐遊仙王建宮詞皆其類也錄示知己亦以自娛

憶行

鑲金緋屨一塵無。臨水登山與衆殊。偏到廣場歌舞地。故紆蓮步倩人扶。
報道金車陌上回。中庭朱戶一時開。停凝半晌聞環佩。拂柳分花緩緩來。
疏香小閣約煎茶。寒夜敲燈味雪茄。瞥見月移窗上影。不知是汝是梅花。
樓居仙子許飛瓊。立上薰籠鎖骨輕。聽慣扶梯纖屨響。下樓輕似上樓聲。
長廊顧影顯腰身。緩步輕擡玉線裙。成句好似巫山新雨過。和風吹出美人雲。
迎面看兼背面看。玉人來去影珊珊。直饒面面看俱到。始服能行白牡丹。

憶坐

戲學參禪罷女紅。綠熊坐具想丰茸。繡簾鸚鵡休相喚。靜女依稀在定中。
綠窗相對話蕭晨。檢帖繙書始起身。卿自起身儂代坐。爲貪餘暖在香茵。
雨過天街喚出游。鈿車欹側轉銅溝。任他欹側還端正。但見釵茸顫不休。

拂牀準備玉人過。難得茵馮接袂羅。月裏欄杆風裏簾。涼天暑夕染香多。雙陸局邊忘夜久。鞦韆架上詡身輕。偶然半日耽閒靜。莫贈紅閨理學名。茵席隨宜故不常。天然情性愛端莊。畫船上與巾車上。南北嬋娟各擅長。

憶飲

三蕉連舉玉浮梁。軟語時聞隔座香。廊下雪衣殊解事。替人辛苦喚茶漿。輕軀嬌困玉橫陳。私語無如醉後真。每到夜深防酒惡。黃甘青子最宜人。爲妾殷勤致醪醕。爲郎仔細揀紅丁。如今天上雙星換。別有茶星與酒星。不須盤格鬥精良。梨筍能消酒十觴。閣蓋時時破瓜子。贈郎猶帶口脂香。一樽輪遞兩人持。餘瀝分郎得半卮。僂自愛杯卿愛酒。杯唇常有淡臙脂。酒邊情態耐人看。柳怯雲鬆欲畫難。倚醉嗔郎太多事。奪人杯斝勸人餐。

憶歌

不是傷心爲小青。好詞貪唱牡丹亭。大家妝閣無愁思。夜雨燈前最可聽。悠揚水調換歌頭。閒拍闌干倚畫樓。一片孤城一彎月。伊州唱了又湖州。

十憶集

十

花底聞鶯喚。奈何萬金一曲采菱歌。紅箋八字從郎看。多分金星入命多。
讀書常恨不冠巾。掃黛羞爲越女嚬。粉墨登場何所願。袍靴願現宰官身。
楊柳樓心一笛風。歌珠圓轉玉玲瓏。欲教妍唱聞千里。應策留聲鈿匣功。
慧性全工肉竹絲。晚涼閒唱女彈詞。若逢女學堂中女。不鼓洋琴不入時。

憶意

一紙家書三折波。半從省筆半沿訛。不知今隸何人製。楮書曰今隸偏是鴛鴦點

花箋述事亦言情。挑盡銀缸寫未成。無限人間通用字。口頭極熟手頭生。
古文奇字總生疏。心有靈犀手不如。儂自能詩不能寫。詩成口授別人書。
朱格依稀宋影鈔。聯娟波撇稱心描。莫將秦吉輕相比。學得鸚鵡無限嬌。
弄墨幽窗思悄然。見人纖手掩羅箋。不知紙上書何事。但見春葱已可憐。
花蕊宮閨百首詞。興來往往寫烏絲。近時檢校紅窗課。鈔徧樊南集裏詩。

憶博

花底樗蒲催上場。紅氈銀燭小排當。甯波麻雀知何味。強與周旋故拙行。
撮麻雀之戲
二十年前起

於寧波今
徧天下矣

番攤都學嶺南風。恃賴聰明注注紅。博場得四正四隅何足算。打攤橫直曰慣持孤注
傲萊公。

角彩尋歡艷綺羅。玲瓏色子鬥硃窩。女中自有元龍氣。總較旁人出注多。
新歲爭籌鶯燕喧。一年旺相視骰盆。玉人含笑梅花下。奪得今年女狀元。
小時則劇厭粗豪。林下風流致自高。故事獨沿天寶例。一匳雙陸賭櫻桃。
投壺玉女兩眸星。遊戲時時見性靈。清照多才嫌放誕。懶開打馬舊圖經。

憶顰

月子初三照九州。開簾相視眼波流。彎彎不見山河影。畫出嫦娥一世愁。
漢殿徘徊奉帚初。擁貂誰寫曉寒圖。直須柳上春風轉。纔得宮眉葉葉舒。
世上誰當青眼看。英雄傳裏嘆才難。春殘一盞青梅酒。翻使文君蹙遠山。
尋常學畫遠山春。不解詩家說小顰。見葉小今日上樓看柳色。愁來始信不由人。
含情不語語還羞。萬轉千回那自由。諱道相思無可諱。一生心事在眉頭。

舒黛每於懽會日。歛蛾常在別離中。不宜長聚惟宜散。眉樣心思兩不同。人情喜聚不喜散眉宜散

不宜聚人散則眉聚人聚則眉歡矣

憶笑

閒泥茶甌對說詩。蕭郎語妙解人頤。性靈起發何人會。正在詩云巧倩時。把郎書字映窗紗。笑指薔薇說到家。含睇捲簾嬌不語。春風羞落滿庭花。酒後多笑未歌往往先笑

憶睡

見來始愜雙棲願。別後難爲獨夜情。安得中山千日酒。別時睡到見時醒。坐睡曰低睡見南吏

長裙未卸寶釵斜。四角垂雲玉隱紗。一半枕檀紅印臉。似從側面看荷花。
習禮明詩出舊家。平時行坐戒天斜。枕衾不改幽嫺態。斂約腰身一束花。
揀得詞牌睡鶴仙。花冠不整爲誰填。宋人睡鶴仙詞臉霞紅印枕睡起來冠兒猶是不整待伊推枕徘徊起。媚眼惺忪愈可憐。

憶妝

面對菱花玉不如。侍兒伶俐與妝梳。梳頭不費柔荑手。解散雲鬟尙讀書。
梳鬟未了綠雲鬆。鵲語紗窗海日紅。驀聽秦嘉書札到。手持香鬢出簾櫳。
愛潔耽香癖太深。清朝漱刷牙廊陰。治妝未竟晨餐嬾。乳餅松花漫點心。
銀篦斜插鬢光寒。要選眞花髻上安。茉莉玉簪俱不稱。可人終是素心蘭。
家常裝束總鮮明。淡暈芙蓉薄點櫻。自是風流天付與。隨宜梳洗亦傾城。
早朝夫婿謁金階。卻出香衾對玉臺。雲髻已光眉未畫。遲遲勻染等朝回。

廣李元膺十憶詩

憶羞